

**Aningaasaqarnermut Ataatsimiititaliap suliaq nr. 01.31.06/08-00314 pillugu pingasunngornermi
ulloq 9. april 2008-mi aalajangiinera pillugu Naalakkersuisunut ilisimatitsineq.**

(Naalakkersuisut ulloq 3. april 2008-mi ataatsimiinneranni imm. 2k)

**Sinerissamut qanittumi raajarniarneq pillugu isumasioqatigiissitsinissamut
aningaasaliisoqarnissaanik qinnuteqaat**

Naalakkersuisut **inassutigaat**,

- Kontomi pingaarnermi 20.11.50-imi, Ingerlatsinermut sillimmatinut tunngasumi, aningaasaliissutit 433. 200 kr.-inik ikilineqassasut, aamma
- Sinerissamut qanittumi raajarniarneq pillugu isumasioqatigiissitsinissaq siunertaralugu konto pingaerneq 50.01.03 433.200 kr.-inik qaffaavigineqassasoq.

Aningaasaqarnermut Ataatsimiititaliap oqaaseqaatai

Sinerissamut qanittumi raajarniarneq pillugu isumasioqatigiinnissamut 433.000 kr.-it Naalakkersuisut suliami matumani qinnutigaat. Tamatumunnga tunngaviuvoq KNAPK-p Royal Greenlandillu tamanna pillugu november 2007-imi nalunaarusiaat.

Aningaasaliissutinik qinnuteqarnermi siunertaq pisariaqartutut tunngavilorsorluagaasutullu ataatsimiititaliamit isigineqarpoq, tamannalu tunngavigalugu aningaasaliissutissat akuersissutigisinnaallugit. Ataatsimiititaliali akuersissutiginninna annertuumik eqqarsarnartoqartitsilluni pivoq, siunertamummi tassunga aningaasaliissuteqartariaqarnissaq aningaasanut inatsisip akuersissutiginerata nalaani nassuerutigineqareersimasariaqaraluarmat. Aningaasaqarnermut Naalakkersuisoqarfiup taamma aamma isumakuluuteqarnini tusarniaanermut akissuteqaammini oqaatigigaa ataatsimiititaliamit maluginiarneqarpoq.

Suliamullu uunga tunngatillugu aningaasaliissuteqarnissamik qinnuteqaammik missingersuusiornermut inatsimmut naapertuitinngitsumik Naalakkersuisut nassiussinaviannginnerat upperissallugu ataatsimiititaliap toqqarpaa.

Aammattaaq oqaatigineqassaaq inassuteqaatit missingersuutinullu ilangussat Aningaasaqarnermut Ataatsimiititaliamut nassiunneqartut ilusiliussassatut piumasaqaatinut atuuttunut naapertuitinngimmata. Missingersuutinut ilangussat 2008-mi ilassutitut aningaasaliissutinut inatsimmut ilangunneqannginneranni sukumiisumik misissorneqarnissaat ataatsimiititaliap Naalakkersuisunut qinnutigissavaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua